

(HISTORIA YAKUZALIWA MTUME (S.A.W.W

<"xml encoding="UTF-8?>



HISTORIA YA MAISHA YA MTUME MUHAMMAD BIN .(ABDILLAH (S.A.W

.Bismillah Ar-rahmaan Ar-rahiim

.Assalaam Alaikum Warahmatullah Taala Wabarakaatuh

Maisha ya Mtukufu Mtume Muhammad (s.a.w) mwana wa Abdullah yako wazi zaidi kuliko yale ya Mitume (a.s) wengine waliomtangulia.Kwa nini? jawabu lake ni kwasababu: Kadiri wakati ulipokuwa ukizidi kupita ndivyo mabadiliko ya kihistoria,mabadiliko ya vitabu,mabadiliko ya sheria na hata shakhsia zao yalivyoziid kutokea, vyote hivyo vilipotoshwa na hivyo maisha yao .kutojulikana vyema

Kwa hakika hakuna nyaraka zilizopo ispokuwa zile tunazozipata kutoka katika Kitabu Kitukufu cha Dini ya Kiislaam ambacho ni Qur'an Tukufu ambayo ni maneo ya Mwenyeezi Mungu (s.w) na Maneno ya Mtume (s.a.w) na Watu wa nyumba yake waliotwaharishwa yaani Ahlul bayt .(wake (a.s

Kuna historia iliyokuwa wazi na safi kabisa inayozungumzia maisha ya Mtume (s.a.w) na .kuzibainisha sifa za maisha yake kwa njia safi yenye kuridhisha kabisa

Mtukufu Mtume (s.a.w) ni Mtume wa mwisho ambaye kachaguliwa na Mwenyeezi Mungu (s.w) kuwaongoza walimwengu wote.Hivi sasa ni karne kumi na nne (14) zimepita,katika kipindi hicho yaani karne 14 zilizopita wanadamu walikiishi katika hali ambayo hakuna athari yoyote ile ya Tawhid iliyokluwa ikionekana ispokuwa kutajwa jina tu.Watu walikuwa

wameipuuza tawhid kikamilifu. Maadili na uadilifu vilikuwa vimetoweka kabisa katika jamii ya wanadamu. mwenye nguvu ndiye aliyekuwa akitamba na kuonekana dunia imeumbwa kwa ajili yake peke yake na wengine hawana haki katika dunia hii, ubabe ulitawala kila sehemu. Kaaba Tukufu ilikuwa imegeuzwa na kuwa sehemu ya kuabudia masanamu na Dini ya Nabii Ibrahim .(a.s) ilikuwa imebadilishwa na kuwa ya kuiabudu miungu mbali mbali

Waarabu walikuwa wakiishi katika maisha ya kikabila na hata baadhi ya miji yao kama huko Hijaz, Yemen na sehemu nyinginezo zilikuwa zikitawaliwa kwa misingi ya ukabila. Waarabu walikuwa wakiishi katika unyonge na hali za kubaki nyuma kimaisha .Badala ya kujishughulisha na utamaduni na ustaarabu walijishughulisha na walijishughulisha na maovu, ulevi ,kamali na tama za kimwili. Hawakuishia hapo tu bali walikuwa wakiwazika watoto wao wa kike wakiwa hai kabisaa maana walikuwa na itikadi za ajabu, walikiamini kuwa mtoto wa kike ni mkosi hivyo !. alipokuwa akizaliwa mtoto wa kike walikuwa hawaoni tabu kumzika akiwa hai

Wengi wa waarabu hao walikuwa wakiishi kwa njia ya wizi, uharamia, uuaji, na kupora mali mifugop na ngome za wenzao. Unyama na umwagaji damu ni mambo yaliyokuwa yakichukuliwa kuwa ya heshima na ya kumletea sifa kubwa. Utakuta walikuwa wakishindana kufanya uovu na ili mtu akishinda na kuonekana ni bingwa wa uovu apewe heshima kubwa na .sifa ya hali ya juu

Katika mazingira kama hayo; Mwenyeezi Mungu (s.w) Mwenye rehema na mapenzi ya hali ya juu kwa waja wake alimchagua Mtume Muhammad (s.a.w) ili kuwabnadilisha na kuwaongoza walimwengu wote. Mwenyeezi Mungu (s.w) baada ya kumchagua akamteresha Qur'an Tukufu iliyojumuisha Elimu takatifu, Tawhid, njia za kutekeleza Uadilifu, na mawaidha yenye faida .kubwa sana

Mwenyeezi Mungu (s.w) alimwamuru awaite watu kuelekea maisha ya ubinadamu na .kushikamana na haki kwa kuitumia Kitabu Kitufu Qur'an

.(KUZALIWA KWA MTUME (S.A.W

Mtume Muhammad (s.a.w) alizaliwa katika mji mtakatifu unaoitwa Makka mwaka wa 570 AD. Mwaka huu ulijulikana kama mwaka wa Tembo. Mtume Muhammad (s.a.w) alizaliwa katika Familia ya Kiarabu yenye heshima kubwa sana na iliyokuwa maarufu sana kila sehemu. Baba yake Mtume (s.a.w) ni Abdullah, baba yake huyu alifariki dunia kabla ya kuzaliwa kwake. Pia Mtume (s.a.w) alimpoteza Mama yake mzazi alipofikisha umri wa miaka sita (6). Baada ya miaka miwili au alipofikisha umri wa miaka minane (8), Babu yake {Abdul Mutw-

twalib}, aliyempenda sana Mtume na aliyekuwa msimamizi wake naye pia aliaga dunia. Baadaye Mtukufu Mtume (s.a.w) aliwekwa chini ya usimamizi na ulinzi wa baba yake mdogo Abu Twalib {ambaye ni Baba yake Amirul-Muuminina Ali -a.s-}. Na huu ulikuwa ni usia wa Babu yake Mtume (s.a.w) kwa mwanae huyo Abu Twalib ambapo alimtaka asimamie maisha yake (s.a.w) na kumpa ulinzi wa kutosha dhidi ya maadui wabaya waliokuwa na lengo la kutaka kumdhuru Mtume (s.a.w), usia huu baada ya kifo cha {Abdul Mutw-twalib}, {Abu Twalib} aliufanyia kazi .ipasavyo

Abu Twalib alimpenda sana Mtume (s.a.w) kama vile alivyowapenda watoto wake bila ya kumbagua na wakati mwingine alizidisha mapenzi kwa Mtume (s.a.w) kuliko hata watoto maana likuwa halali mpaka anahakikisha Mtume (s.a.w) ubavuni mwake na mengine mengi ambayo yalionyesha ni jinsi gani anavyotilia umuhimu maisha ya Mtukufu Mtume (s.a.w). Hadi miezi michache kabla ya Hijra (yaani kabla ya kutoka Makka kwenda Madina), Abu Twalib (Mwenyeezi Mungu amrehemu) alikuwa akifanya kila awezalo kwa lengo la kuhakikisha .anamhami Mtume Muhammad (s.a.w) na hakupumzika hata kidogo

Kama walivyokuwa waarabu wengineo, waarabu wa Makka walijishughulisha na ufugaji mbuzi, kondoo na ngamia. Walikuwa pia wakifanya biashara na nchi jirani na Makka kama vile Syria. Walikuwa watu wasiojua kusoma wala kuandika na hawakufanya juhudu zozote zile za .kuwaelimisha watoto wao

Kama vile watu wake wote, Mtume Muhammad (s.a.w) pia hakuwa amejifunza kusoma wala kuandika, lakini tangu mwanzoni mwa maisha yake alifanikiwa kuwa na sifa nzuri sana na nyingi sana. Hakuwahi kuabudu masanamu, hakuwahi kusema uongo, hakuwa kuiba wala kupora .mali za watu wala kufanya khiana

Alijizuia na uovu, utovu wa nidhamu, pamoja na utovu wa adabu na vitendo vyote vya kuaibisha. Alikuwa mwerevu na mwenye bidii. Kwahiyo alipata umashuhuri sana na kupendwa sana na watu katika kipindi cha muda mfupi sana ambapo watu {kwa harakaharaka} kutokana na tabia nzuri zisizokuwa na kifani walizoziona kwa Mtume Muhammad (s.a.w) na ambazo walikuwa hawajawahi kuziona kwa binadamu yeyote kabla yake ziliwafanya wakaamua kumbandika jina la "MUHAMMAD MWAMINIFU". Kwa kawaida Waarabu walikuwa .wakimwachia amana zao na kuzungumzia kila mara juu ya uaminifu wake na bidii yake

Mtume Muhammad (s.a.w) alipokuwa na umri wa miaka karibia ishirini (20) Mwanamke mmoja, Tajiri mkubwa wa Makka, aliyekuwa akiitwa Khadija Al-kubra, baada ya kuona sifa nzuri

za Mtume (s.a.w) na uaminifu wake wa hali ya juu, alimchagua Mtume Muhammad (s.a.w)
.kuwa mwakilishi wake katika masuala ya biashara zake

Mwanamke huyu alipata faida kubwa sana kutokana na ukweli,uaminifu na busara na bidii ya
Mtume Muhammad (s.a.w).Bila shaka Mwanamke huyu aliendelewa kuvutiwa zaidi na
shakhsia na adhama ya Mtume Muhammad (s.a.w) na hatimaye kutoa pendekezo la kutaka
kuolewa na Mtume Muhammad (s.a.w).Mtume Muhammad (s.a.w) alikubali pendekezo hilo,na
katika umri wa miaka ishirini na tano (25) akamuoa Mwanamke huyu aliyekuwa tajiri
mkubwa.Miaka mingi baadaye,pia aliendelea kufanya biashara na Mtume Muhammad (s.a.w)
.ambaye sasa ni mumewe tiyari

Akiwa akichukuliwa kuwa ni mmoja kati ya watu,Mjumbe wa Mwenyeezi Mungu (s.w) Mtume
Muhammad (s.a.w) alikuwa na uhusiano wa kawaida na watu ahadi alipofikisha umri wa miaka
arobaini (40).Bila shaka alikuwa akitofautiana na watu hao katika nukta kadhaa ambapo
tunamkuta Mtume (s.a.w) alikuwa na sifa nzuri na aliepuka vitendo viovu na pia uhusiano
mbaya uliowapoteza wengi.Mtume (s.a.w) Hakuwa mtu wa shari,hakuwa na moyo
mgumu,hakujidai,hakuringa na wala hakujiona mbora kuliko wengine kitu ambacho kiliwafanya
.watu kumpa heshima kubwa na kumwamini

Siku moja Waarabu walipokuwa wakijenga upya Kaaba Tukufu,kulitokea ugomvi mzito wa
kutosikilizana kati ya makabila kuhusiana na uwekaji wa jiwe Jeusi mahala pake katika Kaaba
hiyo Tukufu.Kila kabila linataka ndilo liwe lenye kuweka jiwe hilo katika mahala pake kwenye
Kaaba hiyo Tukufu.Hivyo ikawa ni nivute nikuvute na amani ikawa iko hatarini kutoweka kati
.yao.Watu waote wakamchagua Mtume (s.a.w) kuwa msuluhishi wa ugomvi huo

Mtume (s.a.w) aliwaamuru watu hao (waliokuwa wakivutana katika ugomvi huo ambao kidogo
tu wapigane kama sio Mtume-s.a.w-kuwasuluhisha) waliweke jiwe hilo Jeusi {ALHAJARUL-
AS-WAD} katika shuka lenye ncha nne,kisha akawaamuru wakuu wa makabila hayo kila mtu
ashike pembe ya shuka hilo na kunyanyua shuka hilo juu.Wakuu wa makabila hayo wakafanya
hivyo na kulinyanyua shuka hilo lililokuwa na jiwe hilo Jeusi kisha Mtume (s.a.w) akapanda juu
ya kaaba mpaka usawa wa kukaa jiwe hilo na kulipokea jiwe hilo Jeusi na kuliweka mahala
pake kwenye Kaaba hiyo Tukufu ambako mpaka leo hii jiwe hilo liko mahala pale.Kwa njia hii
Mtume (s.a.w) akawa ameumaliza ugomvi na kukata mzizi wa fitina bila ya kutokea mauaji
.yoyote ya umati wala kumwaga damu

Hata kama Mtukufu Mtume (s.a.w) alikuwa akimwabudu Mwenyeezi Mungu (s.w) na

kujiepusha kuiabudu miungu kabla ya kubaathiwa au kabla ya kutumwa kuwa Mtume, watu hawakumjali kwa vile hakutangaza wazi wazi mapambano yake dhidi ya imani na itikadi (za kijaahiliyya) zisizokuwa na msingi. Hali hiyo pia ilihusika na wale waliokuwa wafuasi wa dini nyinginezo kama vile wayahudi, na wakristo ambao waliishi kwa heshima miongoni mwa .Waarabu bila ya kusumbuliwa na Waarabu

.(TUKIO LA MTAWA BUHAYRA HUKO SYRIA ALIPOKUTANA NA MTUME (S.A.W

Mtume Muhammad (s.a.w) alipokuwa akiishi na Amu yake Abu Twalib na alipokuwa hajibalehe au hajibaleghe bado, Abu Twali (ambaye ni Ami yake au Baba yake mdogo) alifanya safari ya kwenda Damascus nchini Syria kwa lengo la kibiashara ambapo pia .(aliandamana na Mtume (s.a.w

Ndugu msomaji, msafara huo ulikuwa ni msafara mkubwa sana tena sana na watu wengi walibeba bidhaa nyingi za kibiashara na tofauti tofauti hadi Syria na kuingia katika mji wa Busra. Baada ya kuingia mji huu waliweka hema lao karibu na nyumba moja ya Utawa na kupumzika zao hapo. Mtawa mmoja aliyekuwa kijulikana kwa jina la "BUHAYRA" alitoka nje ya nyumba hiyo na kuwakaribisha au kuwaalika kwa chakula. Kila Mtu aliukubalimwaliko huo wa Mtawa huyo "Buhayra" na kuingia ndani ya nyumba hiyo ya kifahari. Abi Twalib naye alishiriki katika mwaliko huo lakini akamwachia mtoto wa kaka yake (yaani Mtume Muhammad s.a.w) bidhaa zake kisha ndio akajiunga na wenzake wote walioingia ndani ya nyumba hiyo ya utawa . "ili kuitikia mwaliko wa "Buhayra

, Baada ya watu wote kuingia ndani

:Buhayra akauliza

. "Je kila mtu yuko hapa"

:Abu Twalib akajibu

. "Kila mtu yuko hapa isipokuwa kijana mdogo mmoja ambaye ni mdogo kwa umri kuliko wote"

:Buhayra alisema

. "Pia mlete"

Abu Twalib alimwita Mtume Muhammad (s.a.w) ambaye wakati huo alikuwa amesimama zake

.chini ya Mzeituni (nje ya nyumba hiyo) ili aje kwa mtawa huyo

Buhayra alimtazama Mtukufu Mtume (s.a.w) kwa uangalifu mkubwa sana na kumwomba amkaribie zaidi huku akimwambia kuwa alikuwa na jambo la kumwambia.Buhayra alimchukua Mtume (s.a.w) kando naye Abu Twalib hakuwaachia waende kando wawili tu bali aliwakaribia .na kujiunga nao kando

:(Buhayra alimwambia Mtume Muhammad (s.a.w

"?Nitakuuliza swali kwa kuapa kwa LAT na UZZA, je utanijibu"

LAT na UZZA yalikuwa ni majina ya miungu wawili waliokuwa wakiabudiwa na watu wa} .{Makka

:Mtume (s.a.w) alisema

"Miungu hawa wawili ndio ninaowachukia sana"

;Buhayra alisema

"?Kwa kuapa kwa Mwenyeezi Mungu,je utaniambia ukweli"

:Mtume Mtukufu (s.a.w) ambaye ni rahma kwa walimwengu wote akajibu kwa kumwambia

."Daima mimi husema ukweli na sijawahi kusema uongo;uliza swali lako"

:Buhayra akaanza kuuliza

.Mwisho wa sehemu ya kwanza

Usikose sehemu ya pili kuhusiana na maswali ya Buhayra kwa Mtume (s.a.w) na majibu ya

.Mtume (s.a.w) kwa Buhayra

Nimaswali mazuri kutoka kwa Buhayra na ni majibu mazuri kutoka kwa Mtume (s.a.w).Yote hayo utayajua ukifuatilia sehemu ya pili ya maisha ya Mtume (s.a.w) itakuwayo kuja hivi punde .Inshaallah